

ԿԼԻՄԵՆՏ ՀԱՐՈՒԹՅՈՒՆՅԱՆ. Հայկական ազգային գործադիր օրոգրամիավորումները 1918–1945 թվականներին. Երևան, «Զանգակ-97» հրատ., 2002, 272 էջ, 58 լուսանկար:

ՀՀ ԳԱԱ պատմության ինստիտուտի գիտական խորհրդի որոշմամբ հրատարակված վերահիշյալ մենագրության մեջ պատմական գիտությունների գովտոր Կլիմենտ Հարությունյանը վեր է հանել Հայաստանի Առաջին և Երկրորդ հանրապետությունների բանակների ու վերջիններիս վերակազմավորման հետևանքով ստեղծված Հայկական հրաձգային դիվիզիայի ժառանգական կապը, բացահայտել իսաղաղ շինարարության տարիներին այդ գործադիր օրոգրամիավորման ունեցած տեղը խորհրդային Հայաստանի կյանքում, ցույց տվել Հայկական բանակի և դիվիզիայի զինվորական կազմերի դերը Հայրենական մեծ պատերազմի տարիներին հայկական նոր ազգային գործադիր օրոգրամիավորման կազմավորման գործում, նորովի լուսաբանել այդ դիվիզիաների պատմությունը, նրանց անցած մարտական ուղիներն ու ճակատագրերը: Հեղինակն այդ կարևոր հիմնահարցերի լուսաբանումը հիմնականում կատարել է Մոսկվայի, Պողոսկի և Երևանի ուսանողներ, պետական ու կուսակցական արխիվներում պահպանված փաստաթղթերի ու նյութերի ուսումնասիրության և վերլուծության հիման վրա, որոնց զգալի մասը Հայ պատմագրության մեջ չընդգրկված էր: Աշխատության մեջ օգտագործվել են նաև գիտական և հուշագրական գրականություն, փաստաթղթերի ժողովածուներ, տվյալ ժամանակաշրջանի թերթեր ու հանդեսներ: Աղբյուրագիտական բոլոր սկզբնաղբյուրների նկատմամբ հեղինակը ցուցաբերել է քննական մոտեցում, համեմատել և վերլուծել բազմաթիվ իրարամերժ փաստեր, կատարել անհրաժեշտ ճշտումներ, մոռացություններից փրկել Հայկական բանակի և գործադիր օրոգրամիավորման պատմությանը վերաբերող կարևոր տվյալներ, զինվորական գործիչների անուններ:

Աշխատությունը բաղկացած է ներածությունից, չորս գլուխներից և եզրավերջումից: Ներածության մեջ հիմնավորված են թեմայի արդիականությունը, հրատարակությունը, գիտական նորությունը, որոշված ուսումնասիրության նպատակն ու խնդիրները: Խոսելով մենագրության գործնական նշանակության մասին, հեղինակը ցույց է տվել, որ Հայաստանի Առաջին և Երկրորդ հանրապետությունների գործադիր օրոգրամիավորման պատմության բազմակողմանի հետազոտությունը մեծ նշանակություն է Հայաստանի Երրորդ հանրապետության բանակի անձնակազմի մարտական ուսուցման և պատրաստականության, հայ զինվորների ու սպաների, ընդհանրապես երիտասարդության ռազմահայրենասիրական դաստիարակության գործին, զգալի նպաստ մատուցելու է բանակի և ժողովրդի միջև կապերը:

Առաջին գլխում, որը կրում է «Հայկական բանակը 1918–1920 թվականներին» վերնագիրը, հեղինակը լուսաբանել է Հայկական բանակի կազմավորման, նրա կառուցվածքի, թվաքանակի, սպառազինության և համալրման, կառավարման, աստիճանաբար շարժման, անձնակազմի վարձատրման և ուսուցման, գնդային քառանյակների համակարգի վերաբերող հիմնահարցեր և այլն: Հանգամանորեն քննարկելով վերոհիշյալ հիմնահարցերը, գլխի առաջին բաժնում ցույց է տրվել, որ 1918թ. մայիսի վերջերին Հայաստանում պետականության վերականգնման և մինչ այդ ուսական բանակի կազմում գոյություն ունեցած Հայկական առանձին բանակային կորպուսի վերակազմավորման հետևանքով սկզբում ստեղծվել է մեկ դիվիզիա (որը բխում էր նաև 1918թ. հունիսի 4-ին Բաթումում Հայաստանի և Թուրքիայի միջև կնքված ստորագրությունից, պարտադրված դաշնագրից), իսկ Առաջին համաշխարհային պատերազմում

Թուրքիայի պարտութուններից հետո (1918թ. Հոկտեմբերի 30) ավելի մեծ վորամիավորում բանակ: Հայկական բանակը տվյալ ժամանակի չափանիշներով բավականաչափ մարտունակ և լավ զինված ուժ էր, որի շարքերում 1918-1920թթ. հաշվվում էր 16000-40000 զինվոր ու սպա: Բանակը կազմված էր հիմնականում մարտական հարուստ փորձ և զինվորական պատշաճ կրթություն ունեցող ռուսական բանակի հայ զենեակներից, սպաններից ու ենթասպաններից, իսկ շարքային կազմը համալրվում էր զորակոչի մասին Հայաստանի Հանրապետության խորհրդարանի ընդունած օրենքի համաձայն: Հարուստ արևիվային փաստերի հիման վրա հեղինակը բարձր է գնահատել Հայկական բանակի կազմավորման և հաստատման գործում ռուսական բանակի զենեակներ թուվմաս նազարբեկովի, Հովհաննես Հախվերգովի, Իվան Բալրամովի, Մովսես Սիլիկովի, Պավել Մելիք-Շահնազարովի և այլոց կատարած աշխատանքը: Ձնայած հանրապետության շրջափակման և միջազգային քաղաքական անբարենպաստ պայմաններին, հայ զինվորականները կարողացան ոչ միայն համապատասխան մակարդակի վրա պահել Հայկական բանակի անձնակազմի մարտական ուսուցման և պատրաստակունության գործը, այլև արտաքին թշնամիների դեմ տանել մի շարք հաղթանակներ և Բաթումի գաղնագրով նախատեսված Հայաստանի շուրջ 12000 քառ. կմ տարածքը հասցնել ավելի քան 70000 քառ. կմ: Այնուհետև հեղինակը ցույց է տալիս, որ Հայկական բանակն ի վերջո ստիպված էր տեղի տալ քեմալական Թուրքիայի, ինքնազոհային Ռուսաստանի և Ազրբեջանի մի քանի անգամ գերակշիռ ուժերի առջև: չստանալով, այսպես կոչված, գաղնակից, խոշոր տերությունների՝ Անգլիայի, Ֆրանսիայի և ԱՄՆ-ի զինված օգնությունը:

«Խորհրդային Հայաստանի բանակը 1920-1922 թվականներին» վերնագիրը կրող երկրորդ գլխի առաջին բաժնում քննարկվել են Հայկական կարմիր բանակի ստեղծման, կառուցվածքի և համալրման հետ կապված հարցեր: Նորահայտ, ապագաղտնիացված արևիվային փաստերի հի-

ման վրա հեղինակը լուսաբանել է նաև հին բանակի զենեակների ու սպանների Բաքու և Ռյազան աքսորվելու հարցը, բացահայտել այդ նողկալի ոճրի կազմակերպիչների (Գևորգ Աթարբեկյան, Ալիս Նուրիջանյան, Գևորգ Ալիսանյան, Ս. Մելիք-Օսիպով) և նրանց հակառակորդների (Սարգիս Կասյան, Ասքանազ Մուսաբեկյան, Ալեքսանդր Բեգազյան, Սահակ Տեր-Գաբրիելյան, Հետազայում նաև Հայաստան եկած Ալեքսանդր Մյասնիկյան) անուններն ու գործունեությունը, առաջ քաշել սկզբունքային նոր դրույթներ, որոնք պարզություն են մտցնում առ այսօր հայ պատմագրության մեջ գեռես գիտական լուրջ հետազոտությունների կարող այս կնճուռ հարցում: Հեղինակին հաջողվել է ոչ միայն ճշտել 1921թ. հունվարի 24-ին աքսորված զենեակների ու սպանների թիվը, անունները, այլև պարզել նրանց հետագա ճակատագիրը՝ աքսորից վերադառնալուց հետո: Այս բաժնում փորձ է արվել վերականգնել Երևանի բանտում 1921թ. փետրվարի 16-ի լույս 17-ի դիշերը, առանց դատարանի որոշման, Գևորգ Աթարբեկյանի անմիջական նախաձեռնությամբ և ղեկավարությամբ գաղանաբար սպանված շուրջ 50 կալանավորների ինքնությունը: Հեղինակին հաջողվել է արևիվային և այլ հավաստի աղբյուրների հիման վրա պարզել 13 կացնահարվածների անունները: Գլխի երկրորդ բաժնում նորովի է լուսաբանվել Հայկական կարմիր բանակի կողմից Լոռու «Ձեզոք գոտին» վրաց մենչևիկներից ազատագրելու, Վրաստանի խորհրդայնացման և Հայաստանում տեղի ունեցած քաղաքացիական կռիվներին բանակի զորամասերի մասնակցության հիմնահարցը, ինչպես նաև Զանգեզուրում Նժդեհի հայրենասիր գործունեությունը, որի շնորհիվ երկրամասը մնաց Հայաստանի կազմում և չարժանացավ Նախիջևանի և Լեռնային Ղարաբաղի ճակատագրին: Երրորդ բաժնում հանգամանորեն քննարկվել է Հայաստանում քաղաքացիական կռիվների ավարտից հետո Հայկական կարմիր բանակի վերակազմավորման աշխատանքը, որի հետևանքով 1921թ. աշնանը ձևավորվեց Հայկական հավաքական բրիգադը, իսկ մեկ տարի անց՝ Հայկական հրաձգային դիվի-

զիան: Հայկական հրաձգային դիվիզիայի հրամանատար նշանակվեց նախկին բանակի գնդապետ Անդրեյ Մելիք-Շահնազարովը, նրա տեղակալ նախկին զինվորական նախարար, գեներալ-մայոր Ռաչատուր Արարատովը, դիվիզիայի շտաբի պետ շտաբս-կապիտան Վլադիմիր Տամրուչին, գնդերի հրամանատարներ՝ գնդապետներ Ալեքսանդր Միրիմանյանը, Նիկոլայ Խուրսեաշյանը, Հովսեփ Լազարյանը, հրետանային դիվիզիոնների հրամանատարներ՝ նախկին սպաներ Նիկոլայ Կլիչը, Վլադիմիր Սակիլարին, Գևորգ Չայլախյանը, հեծյալ ղեկավար հրամանատարներ՝ Հովհաննես Բաղրամյանը, Գևորգ Յանարջյանը և շատ ուրիշներ: Հրամանատարական սլաշտոններում նշանակված նախկին սպաների մի մասը վերադարձել էր աքսորից կամ թուրքական գերությունից:

Երրորդ դիվիզիոնը, որը կրում է «Հայկական դիվիզիան խաղաղ շինարարության տարիներին (1922–1940 թթ.)» վերնագիրը, հեղինակը հանգամանորեն քննարկել է դիվիզիայի համար հրամանատարական-քաղաքական կադրերի պատրաստման և մարտական-քաղաքական ուսուցման կազմակերպման խնդիրները, համակողմանիորեն բացահայտել հայկական զինվորական կադրերի պատրաստման գործում Ա. Յ. Մյասնիկյանի անվան ռազմական դպրոցի կատարած գերը: Հատուկ ուշադրություն է դարձվել 1924–1925թթ. Կարմիր բանակում անցկացված ռազմական բարենորոգումներին հարցի լուսաբանմանը, ցույց տրվել դրանց կիրառման ընթացքը Հայկական դիվիզիայում: Հեղինակն ըստ արժանվույն է գնահատել ՀԽՍՀ ժողկոմխորհի նախագահ Ալեքսանդր Մյասնիկյանի, ռազմժողկոմ և ռազմական կոմիսար Հայկ Բժշկյանի, դիվիզիայի հրամանատար Անդրեյ Մելիք-Շահնազարովի, քաղբաժնի պետ Հայկ Հովսեփյանի, հեծյալ ղեկի հրամանատար Հովհաննես Բաղրամյանի և շատ ուրիշների գերը դիվիզիայի մարտունակության բարձրացման գործում: Հեղինակը մանրակրկիտ քննարկել է նաև մարտական ու քաղաքական ուսուցման բնագավառում դիվիզիայի ձեռք բերած հաջողությունների աղբյուրներն ու պատճառները, բացահայտել այդ

գործում կուսակցական-քաղաքական աշխատանքի և զինվորական մամուլի ներդրած ավանդը: Այնուհետև ցույց է տրվել, որ 1931թ. աշնանը Հայկական հրաձգային դիվիզիան վերակազմավորվեց լեռնահրաձգային միավորման, որի հրամանատարությունը ստանձնեց Հակոբ Աթոյանը (հին բանակի ենթասպա): Միավորման անձնակազմի մարտական ուսուցումը տարվում է լեռնային բարդ տեղանքում այն առավել չափով մոտեցնելով պատերազմական պայմաններին: Բնակլիմայական դժվարին պայմաններում անցկացված ամենամյա զորախաղերի ժամանակ դիվիզիայի անձնակազմը գերազանց մարտավարական ուսուցման և մարտական պատրաստության համար բազմիցս արժանանում է վերալաս հրամանատարության բարձր դնահատականներին ու շնորհակալությանը, 1935թ. դեկտեմբերի 2-ին ԽՍՀՄ Կենտգործկոմի նախագահության հրամանագրով կոչվում ԽՍՀՄ սլաշտպանության ժողկոմ, Խորհրդային Միության առաջին 5 մարշալներից մեկի՝ Կ. Ե. Վորոշիլովի անունով, 1936թ. մայիսի 29-ին պարգևատրվում Կարմիր դրոշի շքանշանով, իսկ նույն թվի հուլիսի 17-ին ստանում է 76-րդ համարը: Գլխի վերջին բաժնում հեղինակը ընդհանուր գծերով բնութագրել է Երկրորդ համաշխարհային պատերազմի նախօրյակին աշխարհում ստեղծված միջազգային իրադրությունը, բացահայտել երկրի սլաշտպանության ամրապնդման և Կարմիր բանակի ուժեղացման ուղղությունը ԽՍՀՄ կառավարության ձեռնարկած միջոցառումները: Այս բաժնում հեղինակը հատուկ ուշադրություն է դարձրել 1937–1938 թթ. տեղի ունեցած ստալինյան բռնաճնշումներին, որոնց գոհ գնացին բազմաթիվ անմեղ մարդիկ, այդ թվում շուրջ 40 հազար զինվորականներ, որոնց մեջ էին Խորհրդային Միության առաջին 5 մարշալներից 3-ը, 5 առաջին կարգի բանակային հրամանատարներից (հավասարազոր է բանակի գեներալի կոչմանը) 4-ը, 2 առաջին կարգի նավատորմի ֆլագմանից (հավասարազոր է Խորհրդային Միության նավատորմի ծովակալի կոչմանը) 2-ը, 9-ը երկրորդ կարգի բանակային հրամանատարներից (հավասարազոր է

գեներալ-գնդապետի կոչման) 9-ը, 57 կոմ-
կորներից (Հավասարազոր է գեներալ-լեյ-
տենանտի կոչման) 50-ը, 186 կոմդիվներից
(Հավասարազոր է գեներալ-մայորի կոչման)
154-ը և այլն: Բռնաճնշումներից զերծ
չմնաց նաև Հայկական դիվիզիան. գնդա-
կազարվեցին դիվիզիայի 3 հրամանատար-
ները (Անդրեյ Մելիք-Շահնազարով, Հակոբ
Աթոյան, Սամվել Ասոյան), դիվիզիայի 5
գինվորական կոմիսարներից 4-ը, քաղաթ-
նի 4 պետերը և այլն: Բռնաճնշումների հետ
մեկտեղ 1938թ. մարտի 7-ին ԽՍՀՄ ժողկոմ-
լսորհն ու ՀամԿ/ԽԿ Կենտկոմը որոշում ըն-
դունեցին Կարմիր ռանակի ազգային զորա-
մասերն ու զորամիավորումները Համա-
միութենականի վերակազմելու մասին, որի
հետևանքով միութենական Հանրապետութ-
յուններին սահմանադրությամբ արտոնված
ազգային զորամասեր ունենալու իրավուն-
քը անօրինական կերպով վերացվեց և ավե-
լի սահմանափակեց այդ Հանրապետութ-
յունների ինքնիշխանությունը:

Չորրորդ գլխում հիմնականում ԽՍՀՄ,
ապա Ռուսաստանի Դաշնություն սլաշտպա-
նությունների նախարարության կենտրոնական
արխիվի նորահայտ նյութերի հիման վրա
հեղինակը լուսաբանել է Հայրենական մեծ
պատերազմի տարիներին կազմավորված
Հայկական նոր դիվիզիաների Համառոտ
պատմությունը: Այդ գիվիզիաները ձևա-
վորվեցին ԽՍՀՄ Պաշտպանության պետա-
կան կոմիտեի 1941թ. նոյեմբերի 13-ի «Կար-
միր բանակի կազմում ազգային նոր զորա-
մասեր և զորամիավորումներ ստեղծելու
մասին» որոշման հիման վրա: Տալով այդ
որոշման դնահատակները, գրքի հեղինակն
այն Համարում է ժամանակին ընդունված
խիստ կարևոր նշանակություն ունեցող
ակտ, որը թելադրված էր կյանքի սլահան-
ջով և ելնում էր պատերազմական ծանր ի-
րադրություններից բխող պայմաններից:
Կենտրոնի համար ձեռնտու էր, որ Անդր-
կովկասի, Միջին Ասիայի Հանրապետութ-
յուններն ու Ղազախստանը տեղերում, ի-
րենց նյութական և մարդկային միջոցների
հաշվին Համալրելն ու կազմավորելն նոր
զորամիավորումներ, որտեղ կգերակշռեին
տվյալ Հանրապետության ժողովրդի ներ-
կայացուցիչները և հեշտությունները նրանց

ազգային լեզուներով կտարվեին մարտա-
կան ու քաղաքական ուսուցման աշխա-
տանքները: Ազգային զորամիավորումների
ու զորամասերի մասին վերահիշյալ որոշու-
մը օրենսդրորեն ամրապնդվեց 1944 թ.
փետրվարի 1-ին, երբ ԽՍՀՄ Գերագույն
խորհրդի առաջին դումարման 10-րդ նս-
տաշրջանն օրենք ընդունեց ազգային զո-
րային կազմավորումների մասին: Համա-
ձայն այդ օրենքի, յուրաքանչյուր միութե-
նական Հանրապետություն ուներ իր Հան-
րապետական զորային կազմավորումը: Այ-
նուհետև հեղինակը նշում է, որ Հայրենա-
կան մեծ պատերազմի առաջին շրջանում
ազգային զորամիավորումների վերականգ-
նումը Կարմիր բանակի Համակարգում ու-
նեցավ ուղղակի և քաղաքական կարևոր
նշանակություն: Նախ էլ ավելի ամրապնդ-
վեց բանակը և կարճ ժամանակամիջոցում
նրա շարքերի մեջ ներգրավվեցին մարտա-
կան նոր ուժեր, և հետո միութենական
Հանրապետությունների կառավարություն-
ներն իրավունք էին ստանում ոչ միայն
սերտ կապեր հաստատել այդ միավորումնե-
րի հետ, այլև Հնարավորություն էր ստեղծ-
վում տեղում ինքնուրույն և օպերատիվ
կերպով լուծելու կարևոր շատ խնդիրներ,
որոնք մեծ չափով նպաստելու էին ազգա-
յին զորամիավորումների արագ ձևավոր-
ման և նրանց մարտունակության ամ-
րապնդման գործին: Նորահայտ արխիվա-
յին փաստերի հիման վրա գրքի այս բաժ-
նում ցույց է տրված, որ պատերազմի առա-
ջին շրջանում միայն Անդրկովկասում կազ-
մավորվեց 17 ազգային զորամիավորում,
այդ թվում հայկական 89-րդ, 261-րդ,
390-րդ, 408-րդ և 409-րդ դիվիզիաները:
Հեղինակը, միանգամայն ճիշտ, դրանց ա-
վելացրել է նաև պատերազմի առաջին օրե-
րին ՀԽՍՀ մարդկային և նյութական միջոց-
ների հաշվին Համալրված նախկին Հայկա-
կան 76-րդ լեռնահրաձգային դիվիզիան, ո-
րի անձնակազմի 16 հազար հոգուց ավելի
քան 14 հազար հայեր էին: Առաջին ան-
գամ Հայ պատմագրության մեջ օգտագոր-
ծելով ԽՍՀՄ, այնուհետև՝ Ռուսաստանի
Դաշնության պաշտպանության նախարա-
րության կենտրոնական արխիվի Կարմիր
բանակի զորքերի կազմավորման ու Հա-

մալրման գլխավոր վարչության 56-րդ, ինչպես նաև ԽՍՀՄ Պաշտպանության պետական կոմիտեի 644-րդ ֆոնդերի հատուկ պահպանության նյութերը, հեղինակն առանձին-առանձին լուսարանել է Հայկական բոլոր 6 դիվիզիաների կազմավորման աշխատանքները, յուրաքանչյուրի գինվածության, նյութական և մարդկային միջոցներով համալրվածության վերաբերյալ բերել արժեքավոր նոր փաստեր, վերլուծել դրանք, կազմել աղյուսակներ, որտեղ արտացոլված են բոլոր միավորումների ազգային կազմը, հաստիքով նախատեսված համարվածության և սպառազինության իրավիճակը: Գլխի վերջին բաժնում հեղինակը լուսաբանել է Հայկական դիվիզիաների անցած մարտական ուղիները, ցույց տվել պատերազմում տարած հաղթանակի գործում յուրաքանչյուր միավորման ներդրած ավանդը, բացահայտել դրանց ճակատագրերը, իսկ եզրափակման մեջ՝ ընդհանրացրել ուսումնասիրության հիմնական արդյունքները:

Վերջում չենք կարող դրվատանքի խոսքեր չասել գրքում տեղ գտած 58 լուսանկարների առթիվ, որոնցից յուրաքանչյուրը պատմական կարևոր նշանակություն ունեցող սկզբնաղբյուր է հանդիսանում: Հեղինակը խնամքով հավաքել և ժամանակագրական կարգով սեղադրել է ինչպես Հայաստանի Առաջին Հանրապետության, այնպես էլ Խորհրդային Հայաստանի պետական, կուսակցական և զինվորական այն գործիչների լուսանկարները, որոնք կարևոր դեր են խաղացել Հայկական բանակի, նրա վերակազմավորման հետևանք-

քով ստեղծված Հայկական կարմիր բանակի, ապա Հայկական հավաքական բրիգադի և Հայկական հրաձգային գիվիզիայի, ինչպես նաև Հայրենական մեծ պատերազմի տարիներին կրկին ձևավորված նոր զորամիավորումների կազմավորման գործում: Գիրքը շարադրված է գրագետ լեզվով, ընթերցվում է մեծ հետաքրքրությամբ և նախատեսված է ինչպես ռազմական պատմության ուսումնասիրողների, այնպես էլ ընթերցող լայն շրջաններ համար: Այն կարող է օգտագործվել նաև որպես ուսումնական ձեռնարկ՝ զինվորական ուսումնարաններում, դպրոցներում և բուհերում:

Այնուհանդերձ, աշխատությունը գերծ է մասնակի թերություններից, որոնք ավելի շատ կրում են տեխնիկական բնույթ: Ցանկալի կլինեք, որ գրքի վերջում տրվեին ուսերեն և անգլերեն լեզուներով համառոտ ամփոփումներ: Սակայն վերոգրյալը չի կարող նսեմացնել հեղինակի երկու տասնյակ տարիների արդյունք հանդիսացող շնորհակալ աշխատանքը և անմիջապես կարող են վերացվել գրքի վերահրատարակման ժամանակ:

Ամփոփելով կարող ենք համարձակորեն նշել, որ գրախոսվող աշխատությունն ունի անվիճելի պատմագիտական արժեք և համոզված ենք, որ այն լայն ընդունելություն կգտնի ոչ միայն Հայաստանի Հանրապետությունում, այլև նրա սահմաններից դուրս, նաև սփյուռքահայության շրջանում: Ավելացնենք նաև, որ գիրքը լույս է տեսել «Ջանգալ-97» հրատարակչության տնօրեն Սոկրատ Մկրտչյանի հովանավորությամբ:

ԳՐԻՇԱ ՀԱՐՈՒԹՅՈՒՆՅԱՆ